

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 18. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 5. sjednici, održanoj dana 14.05.2019. godine, d o n o s i

ZAKLJUČAK

I.

Prihvata se Izvještaj o radu Upravnog odbora Agencije za privatizaciju Zeničko-dobojskog kantona za 2018. godinu.

II.

Izvještaj iz tačke I. sastavni je dio ovog zaključka.

III.

Zaključak stupa na snagu danom donošenja.

Broj: 02-_____ /19
Datum, 14.05.2019. godine
Z e n i c a

PREMIJER

Mirza Ganić

DOSTAVLJENO:

1x Agencija za privatizaciju Zeničko-dobojskog kantona,
1x Upravni odbor Agencije za privatizaciju Zeničko-dobojskog kantona,
1x a/a.

UPRAVNI ODBOR
Agencije za privatizaciju
Zeničko-dobojskog kantona

IZVJEŠTAJ O RADU

UPRAVNOG ODBORA AGENCIJE ZA PRIVATIZACIJU
ZENIČKO-DOBOJSKOG KANTONA ZA 2018. GODINU

april/travanj 2019. godine

SADRŽAJ

1. Uvod	3
2. Izvršenje programskih ciljeva Agencije	4
3. Normativni dio	4
4. Studijsko-analitički dio	5
5. Ostali poslovi i zadaci	5
6. Rezime	6

I – UVOD

Odredbama člana 10. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, br. 4/97, 15/97, 6/01, 8/10 i 15/17), je propisano da Agencijom za privatizaciju Zeničko-dobojskog kantona upravlja Upravni odbor.

Prema članu 13. navedenog Zakona, Upravni odbor Agencije za privatizaciju Zeničko-dobojskog kantona (u daljem tekstu: Upravni odbor Agencije), donosi Statut i druge opće akte, Poslovnik o radu, akta o unutarnjem ustrojstvu Agencije, finansijski plan i program, razmatra i usvaja završni račun i izvještaj o radu Agencije, odobrava početni bilans i program privatizacije preduzeća, donosi metodologiju i druga opća akta iz nadležnosti Agencije suglasno zakonu, osniva komisije i radna tijela Agencije, te obavlja i druge poslove suglasno zakonu i statutu Agencije.

Prema članu 13. stav 2. Zakona o Agenciji za privatizaciju Zeničko-dobojskog kantona, statut, akta o unutarnjem ustrojstvu Agencije, finansijski plan i program, donose se uz suglasnost Vlade.

Temeljem odredbi člana 14. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), propisane su nadležnosti Upravnog odbora Agencije, koji u odnosu na nadležnosti propisane Zakonom o Agenciji za privatizaciju Zeničko-dobojskog kantona, između ostalog propisuju, da Upravni odbor Agencije donosi Pravilnik o plaćama i drugim primanjima radnika, te odluku o naknadama za rad i angažman članova organa Agencije, koji akti se donose uz suglasnost Vlade Zeničko-dobojskog kantona, shodno stavu 2. navedenog člana Statuta Agencije za privatizaciju Zeničko-dobojskog kantona.

Upravni odbor Agencije za privatizaciju Zeničko-dobojskog kantona, imenuje Vlada Zeničko-dobojskog kantona, i za svoj rad je odgovoran Vladi Kantona.

Rješenjem o konačnom imenovanju Upravnog odbora Agencije, broj: 02-34-1454/17 od 01.02.2017. godine (stupio na snagu danom donošenja) i broj: 02-34-9289/17 od 22.06.2017. godine, imenovan je saziv Upravnog odbora Agencije na period od dvije godine, u sastavu:

1. Dragan Brković, predsjednik
2. Ivo Majstorović, član i
3. Jasminka Biogradlija, član.

Konstituirajuću sjednicu, Upravni odbor Agencije je održao dana 23.02.2017. godine.

U toku 2018. godine, Upravni odbor Agencije je održao je dvanaest (12) redovnih sjednica, u okviru kojih je razmatrao ukupno 54. tačke dnevnog reda, te donio petnaest (15) zaključka i tri (3) odluke.

Svi zaključci i odluke, koji su doneseni na sjednicama Upravnog odbora, su usvojeni jednoglasno.

II - IZVRŠENJE PROGRAMSKIH CILJEVA AGENCIJE

Osnovni ciljevi Agencije za privatizaciju Zeničko-dobojskog kantona (u daljem tekstu: Agencija), definirani su Programom rada Agencije za 2018. godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2017. godine.

Upravni odbor Agencije je vršeci svoja ovlaštenja, istrajavao na što uspješnijem ostvarenju ciljeva i zadataka sadržanih u Programu rada Agencije za 2018. godinu.

2.1. Privatizacija

U toku 2018. godine, objavljena su tri (3) javna poziva za prodaju, u maloj privatizaciji, s tim da je realizovan jedan i to prodaja tri predmeta u vlasništvu prodavca TD „Nova trgovina“ d.d. Žepče, te potpisana 3 kupoprodajna ugovora. Ukupno ostvareni finansijski efekti obuhvataju postignutu kupoprodajnu cijenu, od toga 90 % pripada preduzeću čija se imovina prodavala, a 10 % Agenciji.

U protekloj godini, nije došlo do prodaje predmeta iz veterinarske i komunalne djelatnosti, kao ni predmeta iz velike privatizacije, iz razloga, koji se ponavljaju iz prethodne 2017. godine.

2.2. Kontrola obaveza iz kupoprodajnih ugovora

U registru aktivnih kupoprodajnih ugovora Agencije, evidentan je Ugovor o kupoprodaji 60 % državnog kapitala preduzeća „Velepromet-Zenica“ dd Zenica, čija je kontrola obustavljena, početkom 2018. godine, zbog sprovođenja istražnih radnji od strane nadležnog tužilaštva u istom.

III - NORMATIVNI DIO

3.1. Upravni odbor Agencije je utvrdio prijedlog Finansijskog plana Agencije za 2018. godinu (Zaključak, broj: 15-01-37/18 od 29.01.2018.g.), na koji je Vlada Kantona dala suglasnost, Zaključkom, broj: 0214-2473/18 od 12.02.2018. godine.

Programiran propis: da.

3.2. Upravni odbor Agencije je usvojio prijedlog Pravilnika o plaćama i naknadama radnika Agencije, Zaključkom broj: 15-01-58/18 od 16.07.2018. godine, na koji do izrade ovog Izvještaja do danas nije dobijena suglasnost Vlade Zeničko-dobojskog kantona.

Programiran propis: ne

Razlog donošenja: prijedlog Pravilnika o plaćama i naknadama radnika Agencije je donesen u skladu sa Zakonom o radu („Sl. novine Federacije BiH“, broj: 26/16).

3.3. Zaključkom, broj: 15-01-73/18 od 27.11.2018. godine, Upravni odbor Agencije je usvojio Etički kodeks za uposlenike Agencije.

Programiran propis: ne

Razlog donošenja: Etički kodeks za uposlenike Agencije je donesen u skladu sa Strategijom

Vlade Zeničko-dobojskog kantona za borbu protiv korupcije za 2017. - 2019. godinu.

3.4. Upravni odbor Agencije na sjednici održanoj 27.11.2018. godine, Zaključkom broj: 15-01-75/18, je naložio Agenciji da pokrene postupak donošenja izmjena odredbi člana 11. stav 3. Zakona o Agenciji za privatizaciju Zeničko-dobojskog kantona (koje se odnose na dužinu mandata Upravnog odbora Agencije), odnosno da uputi dopis Ministarstvu za privredu/gospodarstvo Zeničko-dobojskog kantona, kao obrađivaču izmjena navedenih odredbi, koji će iste dostaviti Vladi Zeničko-dobojskog kantona na razmatranje s prijedlogom za donošenje istih na Skupštini Zeničko-dobojskog Kantona, shodno odredbama čl. 28. tač. (1) alineja a) Poslovnika o radu Vlade Zeničko-dobojskog kantona.

Programiran propis: ne

Razlog donošenja: Smatra se da bi bilo opravdano i svrsishodno sa aspekta kontinuiteta u radu i podjednakog pristupa organima Agencije, omogućiti da mandat Upravnog odbora Agencije traje četiri godine, umjesto dosadašnjeg, koji traje dvije godine. Naglašava se da je Nadzornom odboru Agencije za privatizaciju Zeničko-dobojskog kantona, u skladu sa odredbama Zakona o izmjeni Zakona o Agenciji za privatizaciju Zeničko-dobojskog kantona („Sl. novine Zeničko-dobojskog kantona“, broj: 15/17), počev od 05.01.2018. godine, povećan mandat sa dvije, na četiri godine.

IV – STUDIJSKO-ANALITIČKI DIO

4.1. Upravni odbor Agencije je Zaključkom, broj: 15-01-44/18 od od 26.03.2018. godine, usvojio Izvještaj o radu i poslovanju, toku i rezultatima procesa privatizacije Agencije za 2017. godinu, na koji je Vlada Kantona dala suglasnost, Zaključkom, broj: 02-34-5993/18 od 05.04.2018. godine.

Programiran propis: da.

4.2. Upravni odbor Agencije je utvrdio prijedlog Programa rada Agencije za 2018. godinu (Zaključak, broj: 15-01-45/18 od 26.03.2018.g.), na koji je Vlada Kantona dala suglasnost, Zaključkom, broj: 02-02-34-6648/18 od 05.04.2018. godine.

Programiran propis: da.

V – OSTALI POSLOVI I ZADACI

5.1. Upravni odbor Agencije je Odlukom, broj: 15-01-40/18 od od 26.02.2018. godine, usvojio Godišnji finansijski izvještaj Agencije za 2017. godinu. Istog dana je donio Odluku, broj: 15-01-41/18 o rasporedu viška prihoda za 2017. godinu.

5.2. Zaključkom, broj: 15-01-50/18 od 24.05.2018. godine, Upravni odbor Agencije je usvojio Izvještaj o izvršenju Finansijskog plana Agencije za period januar-mart 2018. godine.

5.3. Upravni odbor Agencije je Zaključkom broj 15-02-52/18 od 24.05.2018. godine, usvojio

Izvještaj o okončanoj prodaji po JP A-63, poslovnih prostora u vlasništvu TD „Nova trgovina“ dd Žepče.

5.4. Zaključkom, broj: 15-01-61/18 od 23.08.1018. godine, Upravni odbor Agencije je usvojio Izvještaj o izvršenju Finansijskog plana Agencije za period januar-juni 2018. godine.

5.5. U cilju izvršenja presude Vrhovnog suda Federacije Bosne i Hercegovine, broj: 43 0 Ps 093297 15 Rev od 10.07.2018. godine i ostvarivanja što povoljnijeg interesa za Agenciju, Upravni odbor Agencije je ukupno četiri puta na svojim sjednicama razmatrao prijedlog dužnika TD “Progres” doo Zenica za zaključivanje vansudskog poravnanja, što je na koncu doprinjelo zaključivanju Sporazuma o odlaganju izvršenja i plaćanju duga sa cjelokupnom glavnicom i zakonskim zateznim kamatama, broj: 15-05-06/19 od 06.01.2019. godine.

5.6. Na prijedlog Nadzornog odbora Agencije od 30.07.2018. godine, za povećanje naknade za rad u Nadzornom odboru, Upravni odbor Agencije je donio Odluku, broj: 15-01-68/18 od 29.10.2018. godine, o utvrđivanju naknade za rad i angažman u Nadzornom odboru Agencije, koja je u skladu sa odredbama člana 14. stav 2. Statuta Agencije za privatizaciju Zeničko-dobojskog kantona, dostavljena Vladi Zeničko-dobojskog kantonana radi davanja suglasnosti. Do izrade ovog Izvještaja, Upravni odbor Agencije nema saznanja da je na istu data suglasnost.

VI – REZIME

Rad Agencije, kao i privatizacijski procesi i postupci koje je Agencija provela, odnosno u kojim je učestvovala u izvještajnom periodu, u okvirima svojih nadležnosti i zadataka, ostvarivani su u skladu sa zakonskim propisima i odlukama nadležnih organa u Federaciji Bosne i Hercegovine. Umanjeni i nedovoljni predmeti za privatizaciju su posljedica niza obkektivnih okolnosti, počev od nepovoljnog poslovnog ambijenta, nedostatka jasne i sigurne ponude i sl.

**Predsjednik
Upravnog odbora**

Dragan Brković